



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTA 0021031 21
Sarajevo, 01.12.2021. godine

Na osnovu člana 35. stav 2. tačke e) i člana 216. stav 3. ZKP-a BiH, donosim:

NAREDBU
o nesprovođenju istrage

Neće se provesti istraga u kojem je prijavljena [REDACTED] od strane [REDACTED] koje se predstavlja kao [REDACTED] putem službenog maila Tužilaštva BiH od 12. avgusta 2021.godine, da ista putem svoje facebook stranice negira genocid u Srebrenici, odnosno da na taj način čini krivično djelo Izazivanje nacionalne, rasne i vjerske mržnje razdora i netrpeljivosti iz člana 145a. stav 3. KZ BiH, jer nema dovoljno dokaza za osnove sumnje za počinjenje navedenog krivičnog djela.

Obrazloženje

Dana 12.8.2021.godine, Tužilaštvo BiH zaprimilo je na službeni mail, mail od strane [REDACTED] u kojem navodi da u skladu sa dopunama KZ BiH, koje je nametnuo Visoki predstavnik u BiH, Valentin Inzko, a koji se tiču zabrane negiranja činjenica utvrđenih međunarodnim sudovima u Hagu, te da prijavljuje osobu [REDACTED] za kršenje navedenog zakona i jasno i precizno, svjesno negiranje genocida u Srebrenici, s namjerom vrijeđanja i podstrekavanja na međunacionalnu mržnju.

[REDACTED] je komentarišući vijest koju je objavila [REDACTED] preko svoje facebook stranice (u daljem tekstu fb) komentara negirala genocid u Srebrenici, te je kao dokaz u spis uz mail priložio schreenshoot vijesti i komentar koji je ista ostavila putem fb društvene mreže.

Državna agencija za istrage i zaštitu (u daljem tekstu: Agencija) pod brojem [REDACTED], po zahtjevu Tužilaštva BiH je dostavila izvještaj o poduzetim mjerama i radnjama u kojem navode da su prema zaprimljenoj prijavi [REDACTED] koja se predstavlja kao [REDACTED], koja je e-mail [REDACTED] prijavila [REDACTED] koja koristi fb profil [REDACTED], da je na društvenoj mreži fb napisala komentar u kojem se negira genocid u Srebrenici, te na taj način vrijeđala i podstrekavala na međunacionalnu mržnju. Prema zaprimljenoj

prijavi, [REDAKTIRANO] je u komentaru na tekst [REDAKTIRANO] objavljene na fb stranici [REDAKTIRANO], napisala komentar: „Ima kako da ne genocid u Srebrenici nije bio“.

Uvidom u sadržaj dostavljene prijave, utvrđeno je da je [REDAKTIRANO] koristeći profil [REDAKTIRANO] napisala navedeni komentar kao odgovor na komentar [REDAKTIRANO] koja koristi fb profil [REDAKTIRANO], a koji je napisao: „jeste napali ste iz genocidne tvorevine, kako se mi nešto stalno bunimo itd...“ Pa što ćete uopšte na stranici [REDAKTIRANO] ?? Haha nema više da se spominje negiranje“? Nakon toga je [REDAKTIRANO] sa fb profila [REDAKTIRANO] napisao komentar [REDAKTIRANO] „onda nije bio ni u Jasenovcu.“

Postupajući po zahtjevu Tužilaštva BiH dana 01.11.2021.godine, Državna agencija za istrage i zaštitu je na adresu prijavitelja [REDAKTIRANO] uputila e-mail, kako bi se sa istim ostvario kontakt, te uzela pismena izjava na navedene okolnosti. Do dana 22.11.2021.godine, [REDAKTIRANO] nije odgovorio na traženi upit, niti se došlo do tačnog identiteta podnosioca prijave, kako bi se od istog uzela pismena izjava.

Pretragom na fb stranici [REDAKTIRANO] pronađen je naslov [REDAKTIRANO] Pregledom navedenih komentara nije pronađen komentar [REDAKTIRANO] u kojem se negira genocid u Srebrenici.

Daljnijim provjerama je utvrđeno da se na društvenoj mreži Facebook, nalazi više fb profila [REDAKTIRANO], tako da se sa sigurnošću ne može utvrditi identitet o kojem se profilu tačno radi, niti se provjerom uspjelo doći do tačnog identiteta [REDAKTIRANO].

Na osnovu gore izloženog, okolnosti predmetnog događaja, i ostale operativne podatke, a posebno činjenicu da ovlaštena službena lica Agencije nisu utvrdila identitet lica na društvenoj mreži facebook, te da se fb profilu nalazi više imena [REDAKTIRANO] koje je objavilo komentare, te da se iz dostavljenih priloga ne može utvrditi ni datum kada je počinjeno krivično djelo Izazivanja nacionalne, rasne i vjerske mržnje, razdora i netrpeljivosti iz člana 145a. stav 3. KZ BiH, donesena je odluka da se dalja istraga neće voditi, pa je rješeno kao u dispozitivu naredbe.

U smislu člana 216. stav 4. ZKP-a BiH, o obavjesti o neprovođenju istrage će se obavjestiti Državna agencija za istrage i zaštitu, koja je preduzimala radnje u predmetu.

TUŽILAC
TUŽILAŠTVA – TUŽITELJSTVA BiH